



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1721. usque ad annum 1724

Fleury, Claude

August. Vind. [u.a.], 1783

VD18 90119304

§. 44. Novi tumultus a quibusdam Parisinæ Facultatis Doctoribus concitati.

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

Sæc. XVIII qui se palam eidem & cum scandalo oppo-
 A. C. 1721. nere præsumpserint, juxta legum rigorem
 & patriæ consuetudinem sint castigandi &c.

§. XLIV.

*Novi tumultus a quibusdam Parisien-
 sis Facultatis Theologicæ Docto-
 ribus concitati.*

Vid. supra Jam supra meminimus, quod Refra-
 t. 70. §. 15. ctarii Sorbonæ Doctores suorum
 pag. 104. numero tumidi doctrinam de infallibili-
 & pag. 215. tate Pontificis erroneam esse declara-
 Dorjan. rint, ac viginti duos Doctores hanc
 Journal t. 7. temeritatem eis exprobrantes e suo gre-
 pag. 67. mio excluderint. Rei hujus indignitas
 summopere commovit Philippum Au-
 relianensem Ducem Regni Moderato-
 rem, qui etiam a Rohanio Cardinale,
 aliisque Episcopis impense sollicitatus
 die nona Januarii ad Parisinæ & Na-
 netensis Facultatis Syndicum literas
 Regio sigillo munitas misit, quibus in-
 junctum, ut proscripti hi Doctores
 nulla mora denuo reciperentur. Pa-
 ruit quidem Facultas Nanetensis, ut
 tamen suo honori consulere, Regi
 literas adjecta hac limitatione tabulis
 inseruit: *Sacra Facultas cum veneratione*
Epistolam signo Regio obsignatam recepit.
& in commentariis scribi jussit, ut, quod
par est, debitum Regi obsequium præstet.

salvo tamen jure reparationis a dictis Do- **Sæc. XVIII.**
ctoribus exigendæ, ob illatam fidei & ho- **A. C. 1721.**
nori Facultatis injuriam contra tenorem
diplomatum Regiorum, quibus cautum fuit,
ne utraque pars se criminatiombus laceffe-
ret, confidens, id æquissimo Principi non
improbaturum iri. Minus ad parendum
intenti erant Parisienses; quamvis enim
Jolinus Facultatis Syndicus die prima
Februarii Regias literas in pleno du-
centorum quinquaginta Doctorum con-
fessu prælegi curasset, nihilominus ad-
hucdum deliberatum, qua ratione Re-
gis voluntati satisfacere possent, quin ta-
men decretis a se contra Papam, ejusque
Constitutionem &c. editis derogarent.
Hanc in rem Bourdegalius Soissyensis
Parochus ceteris prior edixit, paren-
dum quidem esse Regis mandato, cum
tamen multa inter se concilianda hac
in re occurrant, nominandos esse De-
putatos, qui sedulo discuterent, quæ
salvo Facultatis honore fieri possent.
His vix prolatis, quatuor olim expulsi
Doctores Medericus Charton senior Fa-
cultatis Decanus, Damas, Chenu, &
Hullierus sancti Ludovici Parochus
ultra Aulam ingrediuntur, atque ex
his Medericus Decani locum occupat.
Oritur tumultus, incondito clamore
perturbantur omnia, & Syndicus hos
Doctores Aula exire jubet, eoquod per
Hist. Eccles. Tom. LXXI. N Re-

Sæc. XVIII. Regias literas deliberandi libertas non
 A. C. 1721. effet adempta: His loco cedere renuen-
 tibus solvuntur comitia: contra eos
 querela defertur ad Regni Regentem,
 qui exclusos Doctores in ædibus Docto-
 ris Le Moins expectare jussit, donec
 Regiæ literæ denuo fuissent prælectæ:
 Interim Coffinus Universitatis Parisiæ
 Rector cum suis, pro more candelam
 benedictam die secunda Februarii ad
 Regem deferebat, cui tamen Rex tam
 suppressa voce respondit, ut nihil om-
 nino percipi potuerit, Villaregius ta-
 men Marecallus maxima vocis contem-
 ptione: *Audite, inquit, Rex Universita-*
tem suo dignabitur patrocinio, si deinceps
ejus jussis magis, quam hucusque, morig-
eritis; Rectore promptum spondente
 obsequium, Rex literis ad Syndicum
 datis præcepit, ut Facultas die octava
 Februarii comitia haberet, cunctosque
 Doctores ac inique exclusos rursus ad
 gremium suum reciperet. Præstituta
 igitur die Syndicus Regium diploma
 prælegi jussit, cunctos hortatus, ut
 sine ulla deliberatione Regis mandato
 plene obtemperarent. Adhuc dum ta-
 men pauci tergiversantur, & Faculta-
 tis decreta contra Constitutionem edita
 confirmari, imo & data occasione
 appellationem innovari petunt. Præ-
 valente tamen ceterorum numero ex-
 clu-

Sæc. XVIII.
A. C. 1721.

clusi Doctores recipiebantur, quibus omnibus sua loca repetentibus, Medericus Senior exclamabat, dicens: *Pax Christi, quæ exsuperat omnem sensum, custodiat corda nostra & intelligentias nostras*: Suggeriebant duo Doctores, Durieusius & Parochus ad S. Jacobum, necesse esse, ut exclusi Doctores Facultatis decreta palam confirmarent, ne silentium hoc pro tacita Constitutionis acceptatione, vel appellationis revocatione haberetur: verum his sese opposuit Tournelius, ita differens: vel hæc decreta respiciunt exclusorum Doctorum gesta, & hæc ex Regis mandato æterna oblivione sepelienda, vel concernunt doctrinam, ejusmodi autem decretis consentire, iniquum esse. Loquentem Tournelium intercepti tumultuantium Doctorum pene hostilis vociferatio, his omnia Facultatis decreta illis appellationem esse innovandam exclamantibus: Hæc Doctorum procacitas tantopere Regem offendit, ut Sacellensem & Calatensem Parochos, Rolinum, Abbatem Asfeldium, Chassaigium, Taburinum, Begonum, Fabrum, P. Gaffarellum P. Boyerum, P. Viexnassium & Fuillonum in exilium amandaret, & quinque aliis Sorbonæ Doctoribus Facultatis comitia accedere prohiberet.

N 2

§. XLV.